



N 4055/01  
24/04/2020

4055-01-2-202004241218



### ჩინეთის გზების და ხიდების კორპორაციის საქართველოს ფილიალს

მის: ქ. თბილისი, ნ. დგებუაძის ქ. N18

საქართველოს გარემოს დაცვისა და სოფლის მეურნეობის სამინისტრომ განიხილა თქვენი 2019 წლის 13 აპრილის №5961 სკრინინგის განცხადება, რომელიც ეხება ხარაგაულის მუნიციპალიტეტში, სოფ. უბისაში ქვის სამსხვრევი საწარმოს მოწყობასა და ექსპლუატაციას.

აღნიშნულთან დაკავშირებით გაცნობებთ, რომ თქვენს მიერ წარმოდგენილ სკრინინგის განცხადებაში არ არის მოცემული და დაზუსტებას საჭიროებს საქმიანობასთან დაკავშირებული სხვადასხვა საკითხები:


- სკრინინგის განცხადების თანახმად, საპროექტო ტერიტორიიდან უახლოესი საცხოვრებელი სახლი მდებარეობს 70 მეტრის დაშორებით. საქმიანობის სპეციფიკიდან გამომდინარე, სკრინინგის განცხადებაში გაანგარიშებული უნდა იქნეს სამსხვრევი დანადგარის ექსპლუატაციის შედეგად ხმაურის გავრცელების დონეები უახლოეს საცხოვრებელ სახლთან. ასევე განხილული უნდა იქნეს ხმაურის გავრცელების დონეების თავსებადობის საკითხები საქართველოს მთავრობის 2017 წლის 15 აგვისტოს №398 დადგენილებით დამტკიცებული ტექნიკური რეგლამენტით „საცხოვრებელი სახლებისა და საზოგადოებრივი/საჯარო დაწესებულებების შენობების სათავსებში და ტერიტორიებზე აკუსტიკური ხმაურის ნორმების შესახებ“ განსაზღვრულ პირობებთან.
- ვინაიდან საპროექტო ტერიტორიის მიმდებარედ მიმდინარეობს სამშენებლო სამუშაოები, სკრინინგის ანგარიში უნდა მოიცავდეს არსებულ ან/და დაგეგმილ საქმიანობასთან კუმულაციური ზემოქმედების შეფასებას;
- სკრინინგის განცხადების მიხედვით, საწარმოს ექსპლუატაციის პერიოდში მოსალოდნელია ატმოსფერულ ჰაერში მტვრის გაფრქვევა, თუმცა წარმოდგენილი არ არის ინფორმაცია გაფრქვეული მტვრის სავარაუდო რაოდენობის შესახებ, ასევე განხილული არ არის საწარმოს მუშაობისას ატმოსფერულ ჰაერში გაფრქვეული

მავნე ნივთიერებების რაოდენობის ზღვრულად დასაშვებ კონცენტრაციებთან (ზდკ) თავსებადობის საკითხები;

- ინფორმაცია საქმიანობის განხორციელების შედეგად კულტურულ ან/და არქეოლოგიური ძეგლებზე ზემოქმედების შესახებ;
- მდინარე ძირულადან წყალაღების წერტილის GPS კოორდინატები, ასევე ტექნიკური დანიშნულებით გამოყენებული წყლის სავარაუდო რაოდენობა;
- ინფორმაცია მშენებლობისა და ექსპლუატაციის ეტაპზე წარმოქმნილი ნარჩენების სახეობებისა და მათი მართვის ღონისძიებების შესახებ;

ყოველივე ზემოაღნიშნულიდან გამომდინარე, სამინისტრო სკრინინგის გადაწყვეტილების მიღების მიზნით ადმინისტრაციულ წარმოებას დაიწყებს ზემოაღნიშნული საკითხების გათვალისწინებით შედგენილი სკრინინგის განცხადების წარმოდგენის შემდეგ.

ნინო თანდილაშვილი



მინისტრის მოადგილე

